



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გეგეჭკორი ივანე ბესარიონის ძე

გეგეჭკორი ივანე (კინი) ბესარიონის ძე (25. VIII. 1886, ზუგდიდი, - 1971, სოხუმი), ხალხური მომღერალი და ლოტბარი. საქართველო. ხელოვნ. დამს. მოღვაწე (1946), 1927 დაასრულა მეაბრეშუმეობის კურსები. ერთხანს მუშაობდა ტრესტ „საქართველოს აბრეშუმის“ რწმუნებულად დამზადების დარგში (თბილისის, გორის, დუშეთისა და ბორჩალოს მაზრებში). 1917-იდან მოღვაწეობდა ქართ. ხალხ. სიმღერის გუნდებში 1924-26 იყო დას. საქართველო. სახელმწ. ეთნოგრაფიული გუნდის (დააარსა ძ. ლოლუამ), 1934-38 - გალის რ-ში მის მიერვე დაარსებული ეთნოგრ. გუნდის, ხოლო 1946-56 - აფხ. სიმღერისა და ცეკვის სახელმწ. ანსამბლის ხელმძღვანელი.

გ. მრავალი საინტერესო სიმღერის ტექსტისა და მუსიკის ავტორია. მის მიერ შექმნილი და დამუშავებულია სიმღერები: „ბეჭია“, „მათეია“, „ჩაგუნა“, „სიმღერა თბილისზე“, „მარებელი“, „სიმღერა ძუკუ ლოლუაზე“ და სხვ. განსაკუთრებული ამაგი დასდო ქართ. და აფხ. სიმღერების აღორძინებისა და გავრცელების საქმეს.

ლიტ.: გ ე გ ე ჭ კ ო რ ი ვ., ქართული ხალხური სიმღერის ოსტატები, [წგ.] 2, თბ., 1958.

გ. ჩხიკვაძე
